


The image shows the front cover of a book. The cover is decorated with a complex marbled paper pattern. This pattern consists of numerous small, teardrop-shaped or scale-like motifs, each containing swirls of brown, tan, and cream colors. These motifs are arranged in a dense, overlapping grid. Larger, more fluid swirls of dark brown and cream are interspersed throughout the design. A small, rectangular label is pasted onto the upper portion of the cover. The label has a thin black border and contains the text 'EX LIBRIS' in a small, black, serif font, and 'L. DUSSIEUX' in a larger, bold, black, serif font below it. The left edge of the book shows a dark, textured spine material.

EX LIBRIS  
**L. DUSSIEUX**



c 27

by  
T

L. 20272

H V M B L E

S V P L I C A T I O N

A V R O Y,

P O U R L E S O V L A G E M E N T  
du tiers Estat.

---

M. D C. X I V.

71

NEWSPAPER  
LIBRARY

CASE

F

39

.326

1614 hu

*HVMBLE SVPPPLICATION*  
*au Roy , pour le soulagement*  
*du tiers Estat.*

SIRE,

C'est maintenant que tout vostre peuple desire se prosterner aux pieds de vostre Maïesté suir l'esperonce que le releuerez des grandes persecutions miseres & calamitez qu'il souffrét au tēps presens & que le regirez en toute bonté iustice, moderation au commencement de vostre regne. Et que (s'il plaist à Dieu) il aura affluance de tous biēs de liberté, seureté, ioye, pais cordialle, amour & vnion en la tēporalité.

Nature nous enseigne que les mouches faisant le miel ont vn Roy qui les regit & gouuerne, & les Grues en vollant en mettre vne la premiere & la suiuent à grand ordre, & se sentēt beaucoup plus fors & plus encourageux quand ils ont vn Roy, l'esperance & le regard du peuple est au Roy. Et luy consiste le soulagement & la defence du peuple, en quelque aâge qu'il soit.

C'est pourquoy d'un cœur deuot, & d'une prompte volonté, ils vous offrent corps & bien, volonté & oourage, pour vous seruir &

A ij

4  
obeyr, craindre, & retouter sans nulle excep-  
tion commē y estant tenu par droict diuin &  
humain.

Le Roy Salomon, (Sire) cōmēça à regner  
en bas aage comme vous, mais pource qu'il se  
conduisoit sagement par raison & selon Dieu,  
les nobles & le commun peuple chacun le re-  
doutoit, ceste ressemblance se recognois en  
vous, qui nous fait iuger que serez vn Roy  
tres-bon tres-iuste & equitable.

Les Roys vos predecesseurs ont accoustumé  
à leur ioyeux aduenement de releuer & soula-  
ger le peuple: & ainsi filt vostre feu pere ( que  
Dieu absolue ) quand la Couronne & le Sce-  
ptre, luy sont elcheuz, qui est la cause que le  
Royaume à tousiours flory & prosperer sous  
(malgré ses ennemis) a son honneur & au luy  
bien de son peuple.

Chacun scait assez qu'au commencement  
de son regne les ennemis de ce Royaume des-  
cendrent en France puissans en armes, laquel-  
le fust grandement dure à soustenir pour auoir  
mis pied ferme sur plusieurs villes d'iceluy, &  
eurent conquesté plusieurs pays veul l'entree le  
port & lez alliez qu'ils auoient, tellement que  
le pauvre peuple a esté fort trauaillé pour por-  
ter c'est affaire, & est certain que encore eut il  
esté d'auantage oprimé & molesté si par la gra-

et de Dieu & par l'industrie & bon conseil de  
vostre feu pere on n'eust trouué moyen d'eui-  
ter la rage commune des ennemis, son ame en  
soit eternellement en repos.

Quand est de ce qui concerne maintenant le  
faict de vostre petit peuple, de ce pauvre tiers  
Estat, vostre Maiesté considerera encore, si luy  
plaist, l'injustice & iniquité en quoy il est traicté  
pour les charges insupportable d'or il est chargé,  
qu'à grand peine peut il aspirer pour pouuoir  
librement dire les violéces qu'ils l'opresse: car  
la verité est, que depuis quelque annee en ça il  
a esté tellement euacué de son sang, par les di-  
uerfes saignees qu'il a enduree, qu'à peine à il  
le soulagement de la vie corporelle, Et s'il à  
pleust aux Roys vos predecesseurs faire leuer  
quelque deniers tant pour rennir & remettre  
entierement l'ancien domaine à la Couronne  
que pour autre deniers qu'ils pourroient auoir  
eu affaire, donc il ce seroit faict de grandes pil-  
leris par ceux qui furent cōmis pour cest effect  
comme chascun à bien sçeu, il à falu à l'equiual-  
lent prendre tout sur le pauvre peuple, car c'est  
luy seul qui paye tout & souffre tout.

C'est on plaira à vostre Maiesté d'auoir es-  
gard à l'eduenir: & luy ferez grace & miseri-  
corde, comme estant le bien de paix & vnion  
qui est la chose la plus necessaires en vostre  
Royaume.

Qui eust iamais pensé ne imaginé voir ainsi traicter ce pauvre peuple iadis nommé François, & maintenant le pouuons appeller peuple de pire condition que serf, car vn serf, est nourri, & ce pauvre peuple est assommé des charges insupportables, tant és gaiges, gabelles, impost que tailles excessiees.

A la verité, Sire, n'estoit Dieu qui conseille les pauures à leurs donner bonne patience, se peuple cherroit en vng desespoir, & se n'eust esté l'esperance qu'il a tousiours eu au ioyeux aduenement de vostre Maiorité, il eust desia abandonné tout: c'est pourquoy il commence auiourd'huy à se reiouyr qu'il voit que vous auez atrains ceste perfection & va declarant comme il peut, qu'il est bien determiné de viure en paix & vnion (s'il plaist au Createur,) & que s'il y a aucun, quel qui soit, qui vueille faire sedition, partialité, ou diuision, que tout le peuple de vostre Royaume tant grands que petits exposera corps & biens à le persecuter, supplier & exterminer à l'ayde de Dieu sous vostre main & conduiste.

Or puis qu'il a pleu à vostre Maiesté de faire cōuoquer les trois Estats de vostre Royaume en vostre ville de Paris, nous vous supplions que ce qui sera deliberé, aduisé & cōsulté, que se soit pour la conseruation sureté de

vous, & de vostre Royaume : & pour le soulagement de vostre peuple, ce faisant vous ferez chose tresdigné de loüange & de memoire a tousiours & tres-vrille pour auoir l'honneur la bien-veillance & les prieres de tous vös sujets à vostre ioyeux aduenement : & pour faire craindre les ennemis de vostre Royaume,

Pour le bien & vtilité de ce pauvre tiers estat vostre Maiesté aura vn soing particulier au fait de la marchandise qui est la cause & moyē de faire venir richesses en abondances en tous Royaumes terres & seigneuries, qui fait nourrir les princes & estrangers en amitié & beneuolence, par le moyen du trafic qui se cōmence iournellemēt de ville en autre, sans laquelle chose publique ne se peut bonnement entretenir.

Supplient humblement lesdits marchands que le cours de la marchandise soit tousiours entretenu & maintenu, franchement & librement par tout le Royaume, & qu'il soit loible de pouuoir faire trafic tant hors que dedans pour la seureté du Royaume que aussi des marchands.

Que nulle marque ne cōtre marque ne doit estre baillee sans grand aduis & cognoissance de cause, que les solennitez de troict en tel cas requises soient gardees, & que celles qui autre-

ment auroient esté par cy deuant donnez & mises à neant & adnullée.

Requiers lesdits marchands que les ordonnances qu'ils ont euz sous plusieurs de nos Roys soient entretenus & gardez en tous les pays du Royaume : pource que depuis quel que temps icelles ordonnances auroient esté falsifiez de quoy plusieurs rfaudes & grâds inconneniens se sont ensuiuis au grand preiudice desdits Marchands.

Et pour ce que depuis vn certain temps tous les marchands ont esté fort travaillez de grâds acquis qui ont esté mis sur les marchandises, passant tant par eaux que par terre : tellement qu'iceux marchands à grands peigne ont peu recouurer les deniers que leurs coustoyent leursdites marchandises: supplient humblement que tels acquis trauers & peages soyent reformez suiuant les anciens; pour les abus qui s'y font iournellement comme on pourra iuger: & que les proces qui en suruiennent soyent vuldez par les iuges ordinaire, le plus soudain que faire se pourra.

Et pour le regard des proces tendât és Cours de Parlemēt de ce Royaume, à l'exemple desquels toutes les autres iustice subalternes se doiuent conduire & regler: toutefois plusieurs desdits marchands se plaignent qu'ils ne peu-  
uent

uent sinon a grand peine & difficulté, & à grands frais & mises, auoir expedition de iustice esdites cours de Parlement; au moyen dequoy plusieurs grands inconueniens s'en sont enluyuis, & beaucoup de personnes s'y sont ruinez pour y auoir fait de grands despens.

Pareillement supplie le petit peuples, qu'il soit faict & donner ordre sur le fait de la monoye, en telles manieres, que les monoyes du Roy ne soyent plus trāsportees hors du Royaume comme on a faict. Aussi que les monoyes estrāgeres soyent mises & prinſes chacune pour son pris & valeur, où bien ainsi qu'il plaira à sa Majesté l'ordonner, sans autres contestation, attendu que tout le peuple est tellement desnue de monoyes de Frāce, qu'il n'y en a cōme point, excepté celuy qui est es bourses de ceux qui prennent les grandes pensions, confiscations & profit, pour donner congé & licence de tirer tout l'argent de ce Royaume & autres moyens, comme il appert assez: car en ce Royaumes ne voit-on auoir que monnoyes estrangeres, & le marc d'or & d'argent est tellement haussé, que c'est pitié, & là ou l'on souloit bailler argent pour auoir vng escu, maintenant se fait le contraire,

L'experience, Sire, monstre que le bon sens court tousiours à la partie blessée. C'est pourquoy tout vostre peuple de France court à vous, qui estes du meilleur & du pur sang de ceste noble maison de Bourbon: A l'huis de laquelle maison, tous vn chacun tant grands que petits sont assemblez, pour vous demander secours & releuement des grandes oppressions, travaux & molestations qu'ils ont souffert par cy deuant par tout vostre Royaume.

Et pource que nul ne scauroit mieux exprimer la douleur d'un patient, que celuy qui la souffre: ne plus certain parler d'une chose que celuy qui l'a veue: ainsi, Sire, ceux qui ont veu feuty & porter les griefs & molestations qu'on a faict en ce Royaume es parties d'iceluy, les peuuent mieux rediger par escrit que ceux qui en ont ouy parler.

Reste maintenant à supplier vostre Maïeste d'auoir tousiours autour de vous gens de bien (comme auez pour le iourd'huy) qui ayme la defence & l'honneur de vostre personne, & ne faites rien sans bon conseil, car cela est la chose la plus pertinente en magnificence d'une Royale M. qui se puisse exprimer, à l'exemple du Roy Assuerus qui regnoit heureusement sur cét & vingt sept prouinces de diuers

langage comme il est escrit en Hester premier  
 Qu'il interrogeoit les sage qui estoient tou-  
 siours à l'entour de luy & ne faisoit rien sans  
 leur conseil.

Vous offerez aussi (Sire) s'il plaist à vostre M.  
 tout mauvais conseil d'autour de vous, gens  
 ambitieux rapporteurs & flatteurs, qui n'ont  
 point ny l'honneur ny la craïete de Dieu de-  
 uant les yeux: mais bien seulement leur singu-  
 lier profit, lesquels se voudroyent bien accroi-  
 tre & agrandir du bien d'autry, tandis les  
 pauvres souffrent & rompent sous les charges  
 insupportables, comme dit forbien le Roy Ar-  
 taxerxes, en Hester 16. les oreilles des grands  
 dit il sont fort aisees à decevoir: car ils estiment  
 que ceux qui leurs parlent ne voudroient mē-  
 rir, leur donnant à entendre que tout va bien,  
 que le petit peuple n'a point de charge, qu'il ne  
 puissent aysement porter: & par ainsi font de-  
 flatteurs, sependant le pauvre peuple est telle-  
 ment chargé qu'il meurt cōme de faim, & crie  
 à Dieu vengeance du tort que l'on luy fait.

Il est escrit en l'Ecclesiastique au quinzième  
 chapitre, que les larmes des pauvres, qui sont  
 griefment molesté, monstrent au Ciel deuant  
 Dieu qui fera vengeance de telles oppressions:  
 les hystoires diuines & humaines sont toutes  
 pleines de tels flatteurs, qui soubz vng beau par

ler ont seduit plusieurs grands personnages & ont esté cause de la perdition de beaucoup de petit peuple: tels furent Crispin & maton autour de Neron & Domitian, qui les menerent à vne piteuse fin. Et en l'escriture Saincte il est escrit au deuxiesme des Roys dix sept & dix neuuiesme que Siba qui estoit tousiours au tour de Dauid fist confisquer les biens de Miphiboset par vn faux donner à entēdre & par faulſe accusation rompit le serment qu'il auoit fait à Ionatas son pere: tel fust Amā autour du Roy Assuerus autrement nommé comme dit est Artaxerxes, lequel Aman fit tant enuers la personne du Roy qu'il obtin vn mandement pour auoir la vie & la confiscation des biens de tout le peuple d'Israël & es histoires de France du regne du Roy Childeric qui est le douziesme au Cathalogue des Roys, fut vn flateur nommé Ebroin lequel fist tant enuers le Roy qu'il fist sortir hors de la court & du conseil le bon Euesque sainct Legier qui fut cause que depuis le petit peuple souffrit grandement.

Sire n'oyez point ses flateurs entedez les clameurs du petit peuple, inſrōmez vous de la verité avec bon conseil. Le Royal prophete Dauid dit que bien heureux est celuy qui n'a point de mauuais conseil autour de luy, & que tout ce qu'il fera tousiours prosperera.

Et si l vous plaist en considerant l'inconuenient qui aduint au Roy Roboam fils de Salomon, qui auoit heureusement regné sur les douze lignee: d'autant qu'il ne creut point l'aduis & bon conseil du peuple, qu'il fist assembler au commencement de son Royaume: mais crut plustost le conseil des ambitieux & hautins qui estoient autour de luy, & n'auoit nul esgard à l'oppression que receuoit le pauvre peuple, mais bien singulierement à leur profit: le Royaume fut diuise & perdu sans iamais en pouuoir recouurer, & ne luy en demeura que deux parties de douze:

Pour l'honneur de Dieu, Sire, que l'is-  
sue de ceste assemblee des trois Estats, ou il y  
a tant de gens notables, tant de dignes Pre-  
lats, tant de reuerends maistres & Docteurs  
experts en toutes sciences diuine, canonique  
& ciuile, tant de nobles & tant de bourgeois  
pleins de toute prudence & honnesteré, ve-  
nus de si loing à grands labeurs & à grands  
despens, lesquels ont esté appelez en char-  
ges avec si grande solemnité, qui ont iuré &  
assermentez de leurs villes & pays, ne soit du  
tout infructueuse, mais bien à l'honneur de  
vous, à louange de tous les Princes, à la re-

formation de l'Eglise, des nobles, de la iustice  
& du tiers estat, & au soulagement du pauvre  
peuple.

Ie seray fin de ceste humble supplicatió crai-  
gnant de n'abuser de vostre patience vous as-  
seurant que vos tres-humble & obeissant su-  
iects de tout vostre Royaume serót tousiours  
prest & appareillez d'employer corps & biens,  
volonté & courage sans rien espargner pour  
vous servir & honorer en telle façon & manie-  
re que les aurez tous les iours en vn singulier  
amour & perpetuelle recommandation.

F I N.

